

























H A R A N G V E

FAICTE AV ROY, PAR
VN DEPPVTE PARTI-
culier de la Ville de Rouen, dans
son Cabinet à Bloys, le 27. Octo-
bre, 1588.



A P A R I S.

Chez la veufue Dalier, sur le Pont S.
Michel, à l'enseigne de la
rose blanche.

1588.

Avec permission.

Case

F

39

326

1558h

THE NEWBERRY
LIBRARY



H A R A N G V E F A I C T E

*au Roy, par vn depputé particulier de
la Ville de Rouen, dans son Cabinet à
Bloys, le 27. Octobre, 1588.*



I R E,

C'est vne grande consolatiō
à vne persōne affligée quād
elle peut se descouurir a quelqu'vn,
a pitié de son mal, luy dōne vn bō qui
conseil, & luy assiste de quelque ayde
pour le pouuoir supporter : Toutes-
fois cela ne luy en oste pas la cause,
& ne fait que couler le temps en per-
petuelle langueur. Il n'aduiant pas
ainsi aux subiects d'un bon Prince,

A ij

quand ils ont cest heur de représenter à luy mesme leurs miseres & calamitez. Et que non seulement, il les oit benignement, mais qu'il y apporte du soulagement, & les releue de desespoir. Le Prince pareillement establit bien plus seurement la conduicte de ses affaires, quand il veut regner comme pere, & que sous la craincte de Dieu il vse de la substance & du sang de son peuple avec tant de moderation, que ce soit vn entretenement commun del'vn & del'autre, correspondant par vne telle harmonie, que l'obeyssance rende témoignage que le commandement & la domination est agreable. Nous sommes en cela bien heureux, SIRE, que vostre Majesté a recogneu à l'espreuve combien nostre fidelité luy

est asseurée, & qu'elle ne peut estre esbranlée d'ailleurs par mutation quelconque. Mais avec verité nous nous pouuons plaindre neantmoins d'auoir esté plus durement traictez que nulle autre Prouince de vostre obbeyssance, tât par nouveauté desdits pernicioeux, charge de nouveaux officiers, que par toutes sortes de leuées, que la malice des hommes a peu excogiter pour rendre vn pays du tout desolé. Chose que nous ne voudriôs iamaïs imputer à vostre Majesté sçachant combien son naturel doux & pitoyable est esloigné de cela. Et neantmoins si vn pernicioeux conseil, ou des mauuais officiers en ont esté cause, l'on pourroit dire véritablement que vostre Majesté en auroit faict mauuaise election: En quoy le

blasme du passé seroit à regretter, &
 fouhaicter pour l'aduenir vn meil-
 leur acheminement. Qui est ce dont
 nous vous supplions treshumblemēt
 SIRE, & d'y donner vn si bon or-
 dre, que l'on ne puisse dire ces assem-
 blées inutiles, comme par le passé:
 Ainsi que par vne recognoissance &
 confession vniuerselle, il est aduenu
 depuis plusieurs ans. Nostre conditiō
 miserable nous contrainct de vous
 en supplier, SIRE, en autres termes
 que les communs: car nostre mal ex-
 traordinaire est paruenu à son extre-
 mité. Combien que si nostre dernie-
 re ruine pouuoit ouurir le chemin de
 salut à vos affaires nous voudrions
 faire ionchée de noz corps & de noz
 moyens pour y subuenir. Vous co-
 gnoissez SIRE, que vous n'avez peu-

ple plus fidelle & obeïssant que nous
 Et toutesfois en cela nous ne voulôs
 alleguer nos merites, sinon en tât que
 vous les aurez agreables. Seulement
 nous supplions treshumblement vo-
 stre Majesté nous faire ressentir les
 effects de sa pieté & Religion, & ne
 nous abandonner à la violence de la
 douleur des maux qui nous accablēt:
 & que tant de pauvres ames misera-
 bles puissent cesser de crier au ciel les
 derniers abbois de leur langueur,
 sous le faix insupportable des tailles,
 des creues, & d'une infinité de nou-
 veaux subsides, que nous sommes cō-
 traincts iournellement supporter.
 Apres tout cela, SIRE, s'ensuit vn
 pestifere & mortel desespoir pire de
 tous, prouenant des horribles excez
 & cruautez, que commettent les gēs

de guerre sous vostre authorité. Cela à attainct son dernier periode, voire si auant, qu'il n'y a rien qui tant nous menace d'entiere & finale ruine. Il est impossible en nature qu'un corps puisse long temps porter deux euacuatiōs sans mort. Aussi c'est vne impossibilité que vos subiects vous puissent bailler leur substance rauie, mangée & dissipée, par le soldat, qui outre cela y adioucte autāt de cruauté que pourroit faire le plus barbare & cruel ennemy en vn pays de cōqueste. Ce n'est assez que vostre Majesté soit esmeuë de noz iustes plaintes & doleances, si elle ne nous apporte le remede que Dieu luy a mis en main pour nous obliger à luy cōtinuer la fidelité & obeissance que nous luy rendons. C'est ce que protestez

sternez en terre nous luy requerons
 avec vne mer de l'armes & de san-
 glots, que nous apportons de la part
 de vostre peuple, qui nous a deputez
 à cela, & qui vous supplie treshum-
 blement, SIRE, le descharger d'une
 portion de l'insupportable fardeau
 de la taille: qu'après icelle assise on ne
 face plus de leuées extraordinaires
 sous quelque pretexte que ce soit à
 peine de la vie, quelques lettres qui en
 soyent expédiées. Que toutes nou-
 velles inuentions soyent entierement
 esteinctes tant de la leuée de xv. escus
 pour clocher, de grains en essence, de
 cōmutation de Pionniers en deniers,
 d'Imposts excessifs tant de fois re-
 doublez sur le sel necessaire à la vie de
 vos pauvres subiects, que de toutes
 autres sortes de mangeries, que les

publiques sansues ont introduict en
 ce siecle dernier: que tant de Com-
 missions extraordinaires soyent re-
 uoquées, & l'vsage d'icelles du tout
 en horreur, afin que la posterité n'aye
 occasion de mesdire de vostre regne
 sur vne souuenance si indigne accō-
 pagnée de la ruine de vos subjects. Il
 n'y a rien, SIRE, qui faschera plus
 vos ennemis, que lors qu'ils verront
 vostre Majesté auoir pitié de son
 peuple, ne donner poinct de place au
 desespoir, & par effect le soulager de
 ses miseres. Mais sil ne fort du fruit
 de tant humbles supplications & re-
 monstrances, il ne faut pas doubter
 que la necessité Royne des loix fera
 trefbucher les plus gens de bien. Em-
 peschez donc, SIRE, par vostre bon-
 té & clemence ce sinistre malheur

qui est à nos talions. Triomphez en cela de voz ennemis: & en conseruât ce qui ne veut viure & respirer que pour vous seruir & obeir, estouffez les calomnies & blasmes de ceux, qui font de vostre Majesté autre iugement qu'ils ne doiuent: & faictes que ce soit à vous seul que nous en ayons l'obligation. Voyez s'il vous plaist vous mesmes noz doleances pour nous pourueoir de remede & soulagement: & nous entendez sur chasque article pour vous mieux faire cognoistre ceux qui en abusant de vostre auctorité ont si mal mesnagé vos finances. Maintenez nous perpetuellement en l'vnion de nostre sainte Religion Catholique, Apostolique & Romaine, que vous auez encor depuis peu de iours si solemnel-

lement iuree, la faisant loy fondamē-
 tale de vostre Royaume. Et pour cō-
 clusion SIRE, demeurez ferme en la
 resolution que vous auez prise d'effe-
 ctuer les sainctes promesses & prote-
 stations que le sainct Esprit vous tira
 ces iours passez du cœur & de la bou-
 che en si grāde & notable assemblée.
 Par ce moyen Dieu qui vous a faict
 naistre en ceste souueraine dignité
 pour représenter sa puissance, vous
 continuera ces graces & benedictiōs,
 vous rendra vos subiects humbles &
 obeyssants, vostre Regne paisible a-
 uec longue & tresheureuse vie, com-
 me nous l'en prions continuellemēt.

F I N.











